



KOPI PAHIT

Bung Karno dengan ketua-ketua tenteranya, telah memberi amaran kepada Belanda bahawa mereka akan menghantarkan angkatan udaranya yang besar mengebom airan Barat, kalau Belanda masih juga mengebom angkatan payung Indonesia yang turun di airan Barat. Berani Bung! Orang-orang yang memerhati keadaan pertelaghan itu hanya berkata: Apakah Bung Karno mau orang-orang Belanda cium angkatan payung yang diturunkan mereka di Irian Barat!

* * *

Bagaimana Jawi di anak tirikan- dikebelakangkan- tidak menjadi suatu perkara rahsia lagi.

Kongres Bahasa yang ketiga telah melantik jawatankuasa Rumi dan Jawi. Jawatankuasa Rumi berjalan dan diselenggarakan dengan baik. Tetapi Jawi - langsung tiada khabar beritanya sehingga di mana-mana buku Rumi sahaja yang ada. Majunya Jawi adalah bergantung kepada “tanggungjawab” – kalau tidak diperhatikan kelak mengeja *Bismillāh* pun anak-anak kita tidak tahu! Belajarlah dengan keadaan Indonesia.

* * *

Banyak syor dikemukakan supaya undang-undang hukuman khalwat dikeraskan. Bagus! Bagus! Kalau hukuman dijalankan kepada semuanya. Tetapi kalau orang besar-besar atau anak-anak raja didapati apa beranikah pegawai-pegawai itu menghadapkan mereka ke mahkamah? Cuba-cubalah!

* * *

Banyak hukum-hukum diadakan di Selangor terutamanya mengenai dengan mengetarkan hukum cerai. Melanggar agama atau tidak, tidak soal tetapi telah dijadikan hukum. Kalau sudah dijadikan hukum dalam menjalankannya janganlah pilih bulu,

kalau pilih bulu tentunya hukum tidak guna dibuat kalau raja tidak kena hukum- rakyat sahaja yang dihukum - tidaklah ada ertinya.

* * *

U. Arifin telah menyatakan tidak puas hatinya terhadap kepada *Jamiyah* dan gerak-geraknya terutamanya *Jamiyah* sebagai sebuah badan dakwah (seruan) Islam. Seruan Islam itu diwajibkan kepada semua orang tidak kepada *Jamiyah* sahaja – kalau *Jamiyah* sahaja dibebankan sedang tuan-tuan yang berkata itu hanya bergoyang kaki - apalah gunanya - majukan, usahakan ia biar majukan lebih baik daripada berkata mengapa *Jamiyah* tidak buat ini dan tidak buat itu? Lupakah bahawa mau buat ini mau buat itu mau peluas¹- kalau tidak semua kerja tak lulus.

Osman Abdullah orang kuat PAS yang baharu melompat masuk ke dalam parti Umno, nampaknya telah membawa malang kepada parti itu. Di antaranya telah menjadikan Umno Selangor meruncing dan dikhawatirkan berpecah belah kerana menentang keputusan Tengku memindahkan U. Aziz Ishak dari Kementerian Pertanian dan syarikat kerjasama kepada jawatan Menteri Kesihatan. Oleh itu ada baiknya segera disingkirkan si pembawa malang itu dari Umno sebelum ia membawa malapetaka yang lebih besar lagi; yang mungkin akan menyebabkan karamnya bahtera Umno.

Jurucakap Badan Pelajaran Melayu Singapura menurut beritanya telah membantah ucapan radio cikgu Suri Mahyuni dari Dewan Bahasa dan Kebudayaan Kebangsaan Singapura tentang seni lukis.

Cikgu Suri khabarnya telah menyentuh Nabi-nabi dalam ucapannya dengan cara yang mengelirukan dan bertentang dengan Islam. Inilah akibah²nya orang-orang yang berpandu kepada buku-buku orientalis Barat yang sememang tujuannya hendak meracuni Islam.

- Cemeti al-Farouk

¹ ejaan sekarang perluas

² ejaan sepatutnya akibatnya